

陝西通志第十三卷

山川六

華州 耀州 乾州 邠州 鄜州 綏德州 葭州 邊外

華州

少華山 在州南十四里連接太華雍大太華山西八十里曰小華

山經

小華即少華

郭璞

綴以二華

張衡西京賦

華山西南有少華山

水經

鄭縣有少華山

隋書地理志○鄭縣故城在州北

少華山在鄭縣東南十里

元和

山之中峰即少華峰東為獨秀峰一名玉女峰又東為小敷

峪宋元祐間小敷峪崩入峪二十三里玉女廟東有金壺峽又十

里曰蒼坪又十里有仙人洞乃張三丰與華陽真人隱居處其施

北近敷峪口之峰曰阜頭峰即宋天禧五年崩處有石子坡今名

石灘東西五里南北十里其崩摧遺址名半截山亦名復成山因

崩而餘半故名

詳見後

又東為構峪又南四十里至構嶺又三十里

陝西通志

卷十三 山川六

即秦嶺也

詳見後

構峪口東為鳳谷山

詳見後

山接秦嶺南來之脉突

立一峰左右兩山如舒翼然又東為三甲山又東為方山接華陰

境自少華峰而西為白石峪又西為潭峪即白龍潭也又西為水

峪又西為鄭南峰在州西南十里以古鄭縣名也又西為太平峪

又西為飛來峰又西為小山

詳見後

又西為石隄峪在州西南十二

里乾寧四年韓建矯殺諸王於此自南入峪曰五里泉又五里曰

東岐溝又十里曰灰池又六里為干崖二岔又二里為東西石門

又十五里至秦嶺度嶺十五里曰黑龍潭峽又五里為青岡坪

詳見後

又東南十五里為金堆城又南二十里為五勝溝接洛南境自

石隄峪而西為栲栳山又西為赤隄峪入峪有葫蘆潭峪南二十

五里即秦嶺嶺之南曰桃坪亦接洛南境自赤隄峪之西南為小

柿原又南為短嶺自小柿原迤西曰柳村原其北曰瓜坡古瓜田

也自瓜坡而西南曰平原又南曰金堆峪可達秦嶺南之金堆城

自瓜坡而西北有三岔坪其右曰喬峪喬峪之麓有白龍泉黑龍

泉又下曰千頃漫又迤北有原曰龍王嘴有白泉在龍王廟中噴

玉濺珠澄清見底又西南有高堂嶺下有靈湫嶺以南有李峪又

西曰澗峪澗峪之北曰江村原西曰牛耳峪又西曰龍耳山詳見後

又西曰箭峪又西爲獨孤氏坡接渭南界州志

梁田陂 在州西三十里通鑑中和三年李克用進軍乾院黃巢將

尚讓等屯軍於梁田陂太祖紀年錄。乾院在今同州

豐原 在州西南二十里又州西南四十五里有孤相原州志小赤水

流於孤相原西水經孤相原亦謂之孤柏原又細腰原在鄭縣西

南十六里以其中狹而名寰宇記孤相原在江村原北突起隆阜俗

名蔚家原州志

陝西通志 卷十三 山川六

聖山 在州西南三十里赤水遵山而北曰聖山川川以山名也州志

永昌中赤水南岸大山移東數百步壠赤水漲壓張村民三十餘

家唐書五行志舊圖經云垂拱四年飛土掩谷爲山忽踊四峰高二百

餘丈東西五六里南北七里後立聖山廟於其上寰宇記相傳陳搏

賣卜於此賈志

喬峪即英山一名王喬谷一名太公谷在州西南三十里瓜坡西州志石脆山西七十

里曰英山山海經禺水出英山水經王喬谷俗謂之太公谷即王喬

隱處寰宇記喬谷即古之英山山有招谷訛招爲喬也州志

龍耳山 在州西南四十里峰巒秀立有如龍耳賈志

澗谷即符禺山在州西南四十里龍耳山北州志小華山之西八十里曰符

禺之山山海經符禺水出符禺山水經符禺山在鄭縣西南高一百

丈寰宇記符禺山即今之澗谷州志

箭谷

即竹山

在州西南五十里

州圖

英山西五十二里曰竹山

山海經

竹水

南出竹山

水經注

山在鄭縣西南高一千二百六丈又竹水一名箭

谷水

寰宇記

箭峪在龍耳山西為竹木繁植之區峪下為華州原峪

西為渭南界即古竹山

州志

○亦見渭南縣按山海經符禺山西六十里曰石脆山水經注云小赤水源出

石脆山然箭峪乃大赤水所出也

新志以箭峪為即石脆山恐誤

青岡坪

在州西南七十五里秦嶺南坪東南十五里抵金堆城為

洛南界

州志

五龍山

一名小山

在州南十里山巖有風穴風出傷稼土人祀之

賈志

在飛來峰西

西安府志

五龍山為少華迤西之枝山石隄峪之東山五

峰蜿蜒相聚峰下巖間舊有鎮風塔

州新志

馬嶺山

在州南二十里

州圖

西石橋水南出馬嶺山積石據其東驪

山距其西與華嶽同體

水經注

陝西通志

卷十三

山川六

三

秦嶺

在州南

州圖

宋太平興國三年華州言秦嶺南石洞自開遣吏

馬文則秉炬視之入數十步得丹砂千二百粒獸形石六以獻

通考

阜頭山

一名半截山

在州東南十五里又名半截山

冊山

天禧五年五月華

州少華山前阜頭峰越八盤嶺摧陷於石子坡東西五里南北十

里潰散墳裂踊起堆阜各高數丈長若隄岸至陷民居六社凡數

百戶

宋史五行志

寧山

在州東南二十里小敷峪東以宋時山摧下建浮圖鎮之

賈志

山之東有獼虎峪

西安府志

鳳居山

一名鳳谷山

在州東南三十里柳子鎮南

州冊

開元中有鳳逐二龍

龍墮地化清泉二道鳳憤而死山僧以石函瘞其骨為塔覆之景

泰癸酉鄉民因築城取塔磚石函始露上有刻字景祐四年重修

啓函鳳脰骨長二尺圍可六寸股骨長尺五寸圍如脰骨其潔如

玉語云鳳喜食龍腦故龍畏之偃曝談餘東漢辛繕隱此光武徵不至

有大鳥高五尺鷄頭鷺頷蛇頸魚尾五色備具而多青棲繕槐樹

旬時不去弘農太守以聞百官咸以爲鳳太史令蔡衡曰此鳥多

青乃鸞非鳳也三公聞之咸避位辟繕不起後人因以名山縣志

上有竹泉府志

蟠龍山一作潛龍山在州東南四十里一名潛龍山明知州桑溥甘爲霖

遊咏處人以其有惠政因名後山曰甘公山右一峰曰桑公臺云

賈志兩山環列甲於諸山可通白崖峪白崖之東即構峪也府志

渭水在州北十五里自渭南界來又東入華陰界府志渭水自白

渠口東逕鸛都城城北又東灌水注之又東合沙溝水又東合西石

橋水又東逕鄭縣故城北又東與石橋水會又東合敷水水經注詳見

陝西通志卷十三 山川六

圖考鸛都城在州西北

小赤水即灌水一名高谷水在州西三十里賈志小赤水即山海經之灌水也水

出石脆之山北逕蕭加谷於孤相原西東北流與愚水合又北注

於渭水經注小赤水今名高谷水寰宇記○按州志赤水源出箭谷俗名箭谷水北流經聖山亦謂之

聖山川又北逕州西入於渭然考箭谷水乃大赤水非小赤水也辨見渭南縣

喬峪水即愚水今名在州西州圖禹水出英山北流注於招水山海經禹

水出英山北流與招水相得亂流西北注於灌水經注愚水出孤相

原寰宇記愚水亦名喬峪水先時西自龍灣北逕杜家灣又北逕聖

山村入灌水明永樂間水暴漲始東折自漁村川而下又北逕遇

仙橋而北入渭因名遇仙橋河故道在今高塘朱寨村諸處又有

漁村川水舊自州西南金堆谷西北流入喬峪水後亦因水漲遂

東折北流逕毛家溝又西折經車徒里入遇仙橋河或疑即古之

招水也又有短嶺水源出短嶺亦流入於遇仙橋河

州志○按金志鄭縣有符

禹水即山海經所云出符禺山者也而州志以符禺山即今澗谷則澗谷之水疑亦當合於喬峪水也

西石橋水

一名新鄭水今名石隄谷水又名五港河

在州西十里

州志○西石橋水南出馬嶺

山源泉上通縣流數十丈北流注於渭關關謂之新鄭水

水經注

隄谷水源出石隄谷北流至良侯村之北名五港河合赤隄谷水

入沙澗經石橋鋪名石橋鋪河以達於渭蓋即西石橋水矣

州志

西溪水

一名小曲江

在州西南

州圖

西溪在華州時人目之爲小曲江以杜

甫爲州司功時所嘗遊也

潛確類書

西溪水源出州南山澗經故縣沙

澗諸村又太平橋水在州東逕州北故興德宮南亦謂之泥河亦

謂之北溪水合西溪水入於渭

州志

南溪水

即太平峪水一名五眼泉又名海眼泉

在州城南門外源出太平峪五眼泉一

名海眼泉引細流入於州城

州志

陝西通志

卷十三 山川六

五

羅紋橋水

即小敷谷水

在州東南十五里源出小敷谷流經州北合於渭

州志

羅紋橋水源出白石峪蓋即小敷峪也

州志

移山潭水

一名白厓湖

在州東南十五里阜頭峰下即宋天禧五年崩裂

處水深不測亦謂之白厓湖其潭水又滙爲數區名蓮花池

賈湖志

之側有眠雲石

州新志

構峪水

即沈水一名東石橋水

在州東

州圖

石橋水故沈水也水亦南出馬嶺山

北流逕武平城東又逕鄭縣東又北逕沈城北入渭

水經注○武平即武城縣

在州東沈城即沈陽縣在州東北

東石橋水源出構峪俗名構峪水北流逕石橋

入渭

州志○按州新志構當作穀即楮木也皮可爲紙今華峪多穀人以造紙作構者非

方山谷水

在州東與華陰接界正德七年知州桑溥導之北流入

於渭

州志○亦見華陰縣

仰天池

在州西南龍耳山西嶺有二池碧水渟泓深不可測又其

一在太平峪州新志

天鵝池 在州東北十里東西亘三十里賈志

甘泉 在州學右柳巷街側深四五尺甘冽異常水旱無盈縮州志

白泉 在州西南四十里自沙石湧出浣衣潔白西安府志泉在良侯寺

東州志

馬跑泉 在州西南五十里州志在理寺村西南相傳為漢光武飲馬

處州新志

孝感泉 在州南少華山北溝畔水極清以郡舉人張之桀名也州志

龍泉井 在州東南四十五里蟠龍南嶺之東深二尺許極旱不涸

州冊

華陰縣

華嶽 在縣南十里縣志太華山在華陰縣南有祠漢書地理志華陰縣有

陝西通志 卷十三 山川六

六

華山隋書地理志關內道名山曰華山唐書地理志○詳見圖考

好漢山 在縣西南十五里縣志在仙谷西以山勢雄壯名縣志

車箱谷 在縣西南二十五里一名車子渦去數水谷七里深不可

測祈雨者以石投之其中有一鳥飛出應時獲雨寰宇記車箱入谷

無多路唐杜甫詩

良餘山一作餘良在縣西南縣志良餘水出良餘山水經注餘良山在縣西南

三十里寰宇記

大數谷一名羅數谷在縣西南三十里一名羅數谷曰大數者別於小數

也入谷十三里為相公嶺縣志其相近者曰天台山曰竹谷縣志

蔥谷 在縣西南三十五里又其西有大谷縣志

秦嶺 在縣南屬華洛分壤之界西接華郡東抵潼關懸崖疊嶂高

不可攀通行者皆曲徑實終南一脈縣志

松果山 在縣東南圖在縣東南二十七里寰宇記錢來之山西四十

五里曰松果山濩水出焉北流注於渭山海經有灌水出松果之上

即今潼谷水水經注華陰縣有松果山金史地理志山通襄鄧之間道上

有佛頭崖雲覆其頂輒雨其西曰水谷又西曰靈谷泥泉水所出

也縣志

瑞村原 在縣東南二十八里縣志在潼關西南十里其稍北為金盆

原其稍南為孟村原潼關衛舊志

朝陽山一名留在縣東南三十里又相近有龍文山縣志世傳楊伯起

葬時大鳥落羽於此又名留翎巔賈志山勢嵯峨有大郎廟有二泉

禱雨多應又其西曰蒲谷縣志

黃河 在縣東北四十里自朝邑界南逕縣東北與渭水合又東入

潼關界縣志河水南至華陰潼關歷船司空與渭水會水經注船司空故城在

陝西通志 卷十三 山川六

七

縣志東黃河自龍門南下經本縣東北葫蘆灘寺南至潼關折而東

注寺南即渭亂河處縣志詳見圖考

渭水 在縣北二十里自華州界來與同州朝邑接界又東流入於

河是曰渭口縣志渭水東入河水之隈曲曰汭杜預注渭水自合石

橋水又東敷水注之又東良餘水注之又東合黃酸之水又東逕

平舒城北又東逕長城北長澗水注之又東逕華陰縣北洛水入

焉闕駟以為漆沮之水又東沙渠水注之又東逕定城北又東泥

泉水注之又東入於河春秋之渭芮也水經注平舒故城在葫蘆

蘆灘在縣東北舊洛水入渭處縣志按禹貢維指洛水自朝邑

東過朝邑之趙渡鎮徑入於河不復至華陰入渭矣並詳見圖考

蔥谷水 在縣西三十五里源出蔥谷經臺頭村東北至庄子村入

渭又有方山谷水在縣西水不常有潦則直北兼受華州諸水浸

溢而東合於蔥谷水縣志

敷水 在縣西二十五里源出大敷谷入谷三里有百索潭又南有

搗鼓潭皆敷水之源也其谷受秦嶺以北東西諸水故其流最大

經敷水鎮東北逶迤至灘子里入渭縣志敷水南出石山之敷谷北

逕告平城東又北逕集靈宮西而北流注於渭水經注○告平城在縣西

良餘水一名宣水一名餘水在縣西二十里縣志良餘水南出良餘山之陰北流

入於渭俗謂之宣水水經注

黃酸水一名干渠水在縣西十三里縣志黃酸水世名之爲干渠水水南出

升山北流注於渭水經注縣西南五十餘里有升山黃酸水出焉北

流至干渠頭東流過頁橋合仙谷水又北逕縣西長城橋下又東

流入於渭縣志仙谷水源出谷中車箱潭亦謂之車箱水其水出谷

西北流合於黃酸水縣志

陝西通志 卷十三 山川六

八

西河即長澗水一名王家河又名清河在縣西門外縣志長澗水源出太華山側長城

東而北流注於渭水經注源出蓮峰水簾洞玉泉三伏見至城南爲

溪受文仙黃神諸谷水始成大河俗稱西河是也屈受善駐馬橋記源出

太華山瀑布泉西北流過朝元洞循古長城北注爲王家河過縣

西爲西河又西轉北折而東流爲清河又東至員庄入於渭又有

小澗水在縣南一名竇谷水源出王刁洞西北流逕城南入長澗

河又有大澗水在縣東南源出黃神谷一名黃龍潭水俗曰大澗

西北流入長澗河縣志

蒲谷澗水即沙渠水在縣東十五里縣志沙渠水出南山北流又西北入長

城又北入渭水經注蒲澗水在朝陽山西其水北流稍西北轉曰沙

渠水北入清河達於渭縣志○按縣圖此水今徑入渭不合清河

靈應泉水 在縣東二十里泉店村南西安府志其水北流入渭縣志

水峪水 在縣東三十五里縣圖泥泉出南山靈谷北流注於渭水經注

泥泉水出定城下寰宇記靈谷在水谷西今近水谷下有泉水濁而

赤由小月溝金盆寨過吊橋西北注於渭或以爲即泥泉水也縣志

潼谷水 在華陰縣東四十里寰宇記在縣東北流逕衛城蝎子山入

河古稱潼關潼津皆因此又縣東南有禁谷水源出禁谷流入潼

水縣志詳見潼關縣

陽華藪 在縣東南縣圖九藪有秦之陽華呂氏春秋桃林西長城是也高誘

注陽華即潼關晉地道記太元九年慕容泓苻叡戰於華澤晉書載記華陰

之澤也或以爲即陽華藪胡氏鑑注縣西南之甕谷爲商洛徑道道甚

險惡明知縣王時雍修治之入谷五十里曰甕嶺東轉爲華陽川

即古陽華之藪也縣志按縣志所傳不同當以地道記爲正

鎬泉一名鎬池在縣東二十九里西安府志其水或湧或止深不可測寰宇記云

陝西通志 卷十三 山川六 九

是河眼亦謂之鎬池括地圖

好女泉 在永豐原下今湮縣圖

蒲城縣

堯山一名浮山在縣北三十里西安府志堯山一名浮山舊圖經云堯時洪水

爲災諸山盡沒惟此山若浮水經注光陵在奉先縣堯山唐書地理志奉先

故城在縣東堯山在豐山東有靈應夫人祠祠東有莊鑑泉西有龍池

泉水清冷不竭時或愆旱酌其水雩祭則雨堯山之南里許有重

山舊圖云以其與堯山有重叠之象故名重山之東有紅土坡下

爲溪頭溪東有山秀麗曰嶧山又堯山有仙蛻崖金皇統九年六

月大旱邑令馬揚禱於浮山靈應祠兩大霈因增修之以祠址隘

狹命工鑿崖丈餘於堅石中得骸一軀印於石內頭顱臂脛肢體

咸具石骨相附有若同體衆皆異之乃徙置於舊崖之上爲龕以

奉之題曰仙蛻崖縣志○按賈志以此為宋祥符間馮舜臣事然考縣志藝文馬揚有碑記當以所傳馬揚為可據

豐山一名蘇恩山長安志在縣西北三十里一名蘇恩山長安志橋陵在奉先

縣豐山唐書地理志縣之名山在金嶺山東其相近有炭谷又縣西北

三十五里有佛空谷谷内有佛空院唐置今廢縣志

金嶺山在縣西北三十里雍勝略景陵在奉先縣金嶺山唐書地理志在

銅斗山東南山勢高聳鋪張有如懸旆故名縣志

銅斗山在縣西北四十里又白馬谷在縣西北四十五里長安志銅

斗山在馬家山南西連富平縣萬斛山山勢峻削盤旋如斗縣志

馬家山在縣西北五十里長安志北通秦山重巖復谷易為盜藪賈志

栗園山在縣西北六十里西安府志

蟠龍神原在縣西三十里長安志舊圖經云唐明皇遊此見雲霧中

陝西通志卷十三山川六

有黃龍之狀又於下得石宛似蟠龍因以其地為龍樂鄉今石在

縣西蚪落原潛確類書

木屐埕在縣東偏南四十里埕有四俱在沮水之岸各周二里崇

百尺縣志

觀音洞在縣東南四十里縣志在常樂村西舊有大谷明萬曆中崖

崩見一洞貯石觀音二軀又有石獅石象諸儀物因名縣志

金粟山在縣東北二十五里不羣山西縣志秦陵在奉先縣金粟山

唐書地理志山有碎石若金粟雍勝略唐明皇見金粟山有龍蟠鳳翥之

勢復近先塋謂侍臣曰吾千秋萬歲後宜葬此得奉先靈故杜甫

畫馬圖引有云金粟堆前松柏裏前嫌去盡鳥呼風雍勝略

白堂山一名良將谷在縣東北三十五里舊圖經云秦白起曾立寨於此

故又名良將谷又有不羣山在白堂山南舊圖經云諸峰巖壑相

接惟此山孤峙故俗謂之孤山雍勝略

龍山一名五龍山在縣東北嶧山東一名五龍山縣志接白水界縣志

洛水在縣東四十里縣志洛水亦曰沮水寰宇記洛水經白水澄城入

縣境合南河水折而東南流入同州境縣志自澄城蔡鄧村入縣境

逕石羊村晉王船舍南流八十里入同州界縣圖詳見圖考

白水河一名烏泥川又名南河又名丁家河在縣北自白水縣界流來入洛縣志

南白水縣有白水魏書地形志○南白水故城即今治白水自同官界來經縣西北

東流入洛府志即同官之烏泥川入縣境或名丁家河或名高家

河皆以傍水居民爲名東流納白石水龍門溝虎頭溝諸水歷縣

北下馬宜陽通泰加祿諸里經五龍山陰入於洛縣志

溫湯水一名溫塘在縣東六十里源出沮水東岸石穴中西流里許入於

沮水四時溫煖可浴府志一名溫塘旁有太湖山平地突起周五

陝西通志 卷十三 山川六 十一

六里高十餘仞左右危石流泉爲邑名勝縣志

晉王灘在縣東南三十里晉王鎮洛河北岸縣志

蓮子池在縣西北三十里舊有蓮藕之利長安志今湮不知其處縣志

漫浴池一名漫泉河在縣西十五里漫源村其水微小長安志源出董家村

今人呼爲漫泉河縣志

西鹵池在縣西南四十里即今明斗村之高春渚池遇旱不涸鄉

人取水熬鹽供一方之用今漸廢縣志奉先縣有鹵池二唐書地理志

東鹵池即鹵中一名安豐灘在縣南二十里即漢宣帝困處長安志宣帝徵時嘗

困於蓮勺鹵中漢書宣帝紀如淳曰蓮勺有鹽池縱廣十餘里其鄉人

名曰鹵中服虔曰或曰澤中孟康曰在蓮勺縣西北漢書注按漢蓮

勺縣在此縣東南下邳縣界此即鹵中也寰宇記○蓮勺下邳縣今俱屬渭南即

安豐灘唐大曆十二年東池生瑞鹽後勅禁斷鹽不復生縣志

浩泉 在縣西二十里西安府志橋陵前有浩泉今涸縣志

平路泉 在縣東南二十里又縣東南二十五里有白馬泉又縣東

南四十里有常樂泉西安府志

潼關縣

象山一名蝎子山在治西南俗名蝎子山山上有田曰黎家坪又稍東爲

鳳凰山其山凸高聳獨峙因以爲城又麒麟山在治東南上有古

寨傍有田千餘畝謂之上寨其相近又有筆架山印臺山舊志

虎踞山 在城東門外盤踞似虎西安府志

桃林塞 在縣東縣志放牛于桃林之野書經晉侯使詹嘉處瑕川守

桃林塞左傳在弘農華陰縣東潼關杜注在長安東四百里三秦記塞在

靈寶以西至潼關皆是元和郡國志自潼關至函谷俱謂之桃林塞地理

通釋自函谷至此幽谷秘邃深林茂木白日成陰又名雲潼關又城

陝西通志 卷十三 山川六

三

東南有牧牛山相傳即武王放牛處舊志

秦嶺 在縣南三十里嶺以南舊志南界其相近者有龍文山縣志

禁峪一名禁坑又名禁溝在城南三十里舊志壁立望者禁足因名近雒南界

亦功令禁人往來之地廣明初黃巢陷號州張承範屯潼關關左

有谷曰禁坑官軍忘守即此舊志潼之右有谷平日禁人往來以

桂征稅名曰禁坑今人謂之禁溝亦名禁谷綱目

潼峪潼一作通在城南三十里峪口有老君洞舊志灌水北流經通谷即

述征記所謂潼谷也水經注

蒲峪 在城南三十五里其東有水峪又東有府峪又城南四十里

有大峪在麻峪東華陰縣志○按縣冊潼峪蒲峪今屬華陰境麻峪大峪今屬閿鄉境

董社原 在城東南隋楊元感與宇文述戰此舊志○按縣冊今去縣三十里亦屬閿

鄉境

黃卷坂 在城東北黃河南岸其坂隆起下望關城舊志沂黃卷以

濟潼潘岳西征賦河水自潼關東北流水側有長坂謂之黃卷坂傍絕

澗涉此坂以升潼關水經注

黃河 在縣北一里自華陰界來逕雷首山西本縣北又折而東是

為河曲入河南界禹貢河在關內南流潼擊關山因謂之潼關自

關東北流經黃卷坂又歷北出東嶺即函谷關也水經注河中有石

高水尺餘河水泛漲其石愈高曰砥柱石舊志詳見圖考

楊家河 在縣西門外北流入河康熙十九年潼水漲溢陵城而入

城中兩岸居民溺死多人漂沒官民廬舍已而水縮河裂岸東徙

故道盡成平陸舊志按元和志潼水在關西一里今潼水貫

中以入河者或後人引潼水以通城中水道乎或曰潼水以西關城蓋後所展築也

潼河一名灌谷水在城中源出潼谷北流入黃河又嵩谷峪水自龍

陝西通志 卷十三 山川六

三

王廟北流合潼水縣志灌水出松果之上北流經通谷世亦謂之通

谷水東北注於河所謂潼谷水也或說因水以名地也水經注潼關

西一里有潼水因以名關元和志潼谷水在華陰縣東四十里寰宇記

水北流經蝎子山入黃河古稱潼潼津皆以此華陰縣志城中有白

蓮池引城南嵩谷峪水從上南門入蓮池中舊志

源望溝水一作關王溝在城東門外經通寧橋北流入黃河西安府志源出劉

果山北流入大河俗訛為關王溝舊志

四眼泉 在城中其水清甘又福泉在城西北隅天將雨則溢又酒

泉在城西門外相傳造酒香冽舊志

野狐泉 在潼關西泉在道傍店後坡下舊傳云野狐掬而泉湧南

新書廣明元年冬黃巢攻潼關關土民皆潰張承範變服率餘衆脫

走至野狐泉舊志

蟹眼泉

在城東北河將漲則溢

舊衛志

耀州

五臺山

一名北五臺

在州東三里漆水之潄山盡樹柏雲木中宮殿參差

鬱鬱蒼蒼號北五臺東至駱駝堰西至漆水南至溝巖北至尹師澗又有太元洞在顯化臺洞之西有洗藥池相傳為孫真人洗藥處又孫家原在太元洞東北八里相傳為真人故宅昔有掘地得鐵鉢藥瓢諸物者又洞之東山畔下有仙姑洞

喬世寧五臺山記

自唐簡

陵折而西北一峰特起曰鑑山鑑山之下有五峰絕漆沮俯郡城是曰五臺蓋徵士孫思邈隱居地望之如在雲際躡其巔又坦然如臺東曰瑞應南曰起雲西曰昇仙北曰顯化中曰齊天有石洞曰太元洞嶽崎幽渺深不可測或云真人療龍既愈龍為穿此達同官可四五十里其下有聚虎坪即真人伏虎處自南庵西橋而

陝西通志

卷十三

山川六

古

北崖畔大石曰二水漬柏葉成碧綠色飲之可愈痼疾洗藥池也又五臺石可為磬叩之鏗然有玉聲故一名磬玉山去城三里許

康乃心五臺山記

五臺山下有尹師澗羽流尹師居之又寶鑑山在州東

十五里

西安府志

風孔山在華原縣東五里

長安志。華原故城在今州北

磬玉山東

有巨穴每風從穴出名風洞山

賈志

鸛鵲谷在州東南四里中斷如

門

雍勝畧

五臺山石洞南三里有山自東而西為東乳山亦名落星

原自西而東南為西乳山兩山環抱州城形如兩乳漆沮水會於山下從山隙中出又名鸛鵲谷俗謂之岔口出谷口為富平界又安君山在州東五里磬石山東又東為將軍山有王翦祠又東為寶鑑山年豐則山有光如鑑州之得名以此

州志

石臯山

在州北四十里又州北四十二里為樹子山

西安府志

把樓山

把一作把

在州北四十五里東與同官之武王山接界

州志

高山 在州北五十里西安府志

木門山 在州北六十里有上中下三木門相去各三里州志

九龍寨 在州北六十里神水嶺東山有九峰又有九泉故名又東

南為唐家堡堡東五里為笠子山州志

玉女山 在州北六十八里有玉女堡西安府志

三石山 在州北八十里山麓有奇峰洞滴水成泉謂之天漿西安府志

在天活堡東十里三峰突兀號大三石山其上有勝果院又東南

為石嘴山又東為神水嶺州志

牛耳山 在州西北十八里兩山對峙形如牛耳州志

鳳翼山一名車蓋山在州西北六十里金圭山東南一名車蓋山西接淳

化界又金圭山在州西北七十里大唐山東北其北為碁盤嶺有

寒山仙跡州志山之相近者為負高原俗名高窰原州志耀州有負高

陝西通志 卷十三 山川六

五

原故縣名華原禹貢錐指

大唐山 在州西北七十里後魏文帝陵延昌公主墓在其下州志

石門山 在州西北八十里有石如門最為西北要害西安府志在分水

嶺西北今屬三水縣又分水嶺在故寧谷鎮西北築有岸門為石

門重關其相近有箭幹山在姚萇殿東北又有錐子山在魏王樓

東皆以形似名又樓東南十里有照金山俗傳山有光雨後照人

衣如金屢試無驗其西北為七里川州志

小三石山 在州西北百十里橫嶺東三峰屹立如塔形又東為摩

天嶺一名鑽天嶺高二十里又東有鴻鵠嶺太子石州志

箭穿崖 在州西北百十里桃兒堡東亦名箭穿堡州志在繡女溝東

相傳明帝與諸將校射中孔後遂名箭穿崖又張果老崖在箭穿

崖西有果老墳與淳化接界州志

橫嶺 在州西北百二十五里長條嶺北州冊即金楊達夫遇害處有

廟州志

清水谷 在縣西三十五里寰宇記即鬼谷先生所居水自雲陽界來

十道志○雲陽今屬淳化縣谷在石門鄉長安志

嵯峨山一名慈在州西南縣冊泥陽縣有慈峨山魏書地形志○詳見泥陽三原二縣泥陽

故城即舊祿禰縣在州東北

沮水一名宜君水又名石川水又名堰頭河在州西門外自同官界流入又東南入富

平界州圖沮水謂之宜君水又得黃嶽水口水西北出雲陽縣石門

山黃嶽谷東南流注宜君水又東南流逕祿禰縣故城西其水南

合銅官水南出土門山西又謂之沮水水經注華原縣有沮水隋書地理

志沮水出中部子午嶺逕州西而東會漆水禹貢沮水自宜君東

北界來一出銀兒坪一出太子石俱西南至楊秀川合流為宜君

陝西通志 卷十三 山川六

六

水又南受鄭川水又過唐家店受大峪河水又南過耙樓山受紙

房河水又南受姚谷河水又南受石嘴河水又南受府西河水又

南入同官境合諸水又南至蘓家店復入州境為堰頭河又南受

胡思泉始名沮水過錦陽川逕州城西循西乳山受梁家泉水東

會漆水合流出鸛鵲谷入富平界又通名為石川河州志

漆水即銅官水在州東門外水出同官縣東北西南注銅官水又西南至

州南與沮水合禹貢銅官水又西南流逕祿禰縣東又西南流逕

其城南原下而西南流注宜君水水經注漆水自華原縣東北同官

界來經縣十五里南流入富平界合沮水俗名石川水長安志自同

官西南入州境尹師澗水入焉澗在五臺山北五里又南逕城東

五臺山西至乳山下合沮水州志

澗谷河一名見底河又名申家河在州西南十五里州冊水清見石俗

名見底河

西安府志

水出州西北孝義鄉焦砦村東南過牛村名申家

河又東南名魚池河又東南入三原界

州志

濁谷水

一名寶泉河又名涼泉河又名樓底河

在州西南

州圖

濁水上承雲陽縣東大黑

泉東南流謂之濁谷水又東南出原注鄭渠

水經注

水自華原縣西

北孝義鄉大海村來經縣四十五里南流入三原界

長安志

水出州

西北甲池堡南馬鞍口南流二十里為寶泉河又南為涼泉河又

南至三原曰樓底河

州志

清谷水

即清水一名清河

在州西三十五里自三水縣流入又南入三原界

州圖

清水流逕黃嶽山西又南入祓羽縣歷原南出謂之清水口

水經注

清谷水一名清河出州西北石門山麓南至小邱合環河南經

涇陽三原至臨潼之相橋入石川河又州境有三谷水皆流入峽

中石上往往有鑿孔深廣尺許蓋舊時碾磴遺跡也又環河在州

陝西通志

卷十三

山川六

七

西北六十里源出大唐山流過金圭車蓋二山東南與清谷水合

州志

繡女房溝

在州西北百十里

州冊

有石洞相傳後周明帝采女於此

以帝嘗為宜州刺史云

西安府志

涼泉

在州西南三十里

州冊

在涼泉里其水極涼又州境有御池泉

五龍泉俱自山頂湧出

西安府志

同官縣

虎頭山

一名虎踞山

在縣治西北狀如虎踞縣城依於其麓亦名虎踞山

下有石泉清湧不竭引流入縣治中

縣志

濟陽山

在縣治西南上有寨下有芳泉甘冽異常又相近有嶂山

皆為縣城所附

縣志

龍蟠山

在縣東門外蜿蜒如龍與虎山對峙

縣志